



Inst. Komp.

14041

III Mag. St. Dr.

P

Car. Ant. Campus Frabcati honor

PANEG. et VITAE

Polon. Fol.

N^o 85.

CAMPVS
TRABEATI HONORIS.

FERAX,

Illustrissimo & Magnifico Domino,

D. ALBERTO CON-
STANTINO

DE GORAY

BREZA,
PALATINO CALISSIENSI,
CAPITANEO NOVODVORENSI, &c. &c.

in
auspicatissimo Palatinatûs sui ingressu,
longæua in auspiciâ

EFFLORESCENS

14041 III

è Voto obseruantissimi Clientis sui,

M. CASIMIRI ANTONII DZIVRKIEWICZ,

*philosophiæ in Vniuersitate Cracouiensi Doctoris, in Academia Posnani-
ensi Rhetoricæ Professoris, Centubernij Szotarsciani Præfæcti.*

Anno Floris Nazarenæ M. DC. LXXXVII.

•S •S •SSO •SSO •SSO •S S •SSO •S S •SSO •SSO •S S

POSNANIÆ,

In Typogr. Rndi D. Alberti Laktanski.

25.



In Gentilitia Illustrissimæ BREZARVM
Domûs Arma.



*Parciûs Elysios celebret iam Gracia campos,
Ver ubi perpetuum, florida ferta gerit.
Maior inest ternis BREZARVM gloria Campis.
Utrò qui Patria commoda mille ferunt.
Nonne Palatinas potuerunt ferre Curules?
In quibus eximius nascitur omnis honor
In commune bonum vigeant crescantq; fœuentes
Ingenitâ Patrium fertilitate solum.*

CAMPVS

FRABEATI HONORIS

FERAX.



Abcedat profana vulgaris alibi glebæ, campiq; vbertas, minorum nonnisi gentium surculis idonea, non audeat quidquam cum succopiosissimis frumentis Sicilia, omnium gaudia omnium amores exsatiantibus, non se Ægyptus iactet, fertilissimis ad ostia Nili latèparentibus agris, ipsas Ethesias deliciarum parturientibus. BREZEIA Tempe omni honesto & gloriæ peruia, Maiestatis suæ amplitudinem maiorem hodie faciunt, dum Purpurati sanguinis gloriâ Palatino triumphant honore. Non vna glebam hanc excolit Gratia, sed triplici situ trinæ inuitantur Charites, vt in auspicia tam excelsæ dignitatis, manibus ferant lilia plenis. In CAMPIS hinc nihil vulgare crescit, non vriticæ aut inanes herbæ, sed augustæ tot factorum, meritumq; adoræ, tot triumphales Palmæ, quas Patria, quas Ecclesia, felici omine colligit BREZEIâ vbertate irrigata. Non solius Martis aut Bellonæ tantum sedes hic accomoda, vbi ferreâ semente crescendi fertilitas constet, sed pacatiores manu oleæ, tot publicis functionibus, tot consilijs, tot magnorum operum speciminibus conspicuæ, in nouam hinc assurgunt plenitudinem, celestibus affatim recreantur affluentijs & gratiosis Astrorum fauoribus animantur. Amplissimis & excelsis curulibus hocce Theatrum peruium est, fum-

misq; decoribus aptum, vbi non scenicam Trabea-
tus Honor personam agens, Cæsares ex viroq; pro-
bat. Felix profectò hæc terra, quam rore gratiarū
suarum Dea sapientiæ Pallas, ita foecundam fecit, vt
nihil aliud præter maturos probitatis, fortitudinis, &
consumatæ sapientiæ fructus Orbi Polono germina-
ret. At ego eximia, florentissimi Brezeij Campi, na-
turæ dona, non ita reuelo, vt ipsius scrutator appa-
ream, sed quòd maius est, donorum eius præstanti-
um admirator existam. Miranda profectò illius vir-
tus est, quæ tot laureas virtutum, palmas tot deco-
rum fertilissimo germine produxit, producitq; indi-
es, quæ semper immarcescibili flore, non tantum
per ætates, imò verò per integras ætates, lustra, sæ-
culaq; innumera virebunt perenniter. Inde frustra
Mantua Messem inuidet proprii veris, quia non sem-
per ipsa Arctòæ Bòotæ hyems constringit humum,
etiam in Lechicis oris perpetui nascuntur flores, no-
men inscripti Achillis præferentes, quos non Edo-
nius cruor, neq; pictus Adonidis conserit hortus, sed
ipsi hostili tabo copiosè irrigati dulci rubore mortu-
lium recreant oculos. Gloriabatur olim Campus En-
gaddi fructuum suauitate, florumq; abundantia, ex
quibus decoctis prisca Medicorum solertia, ope E-
sculapii id egerat, vt succum ægris mortalibus ad sa-
nitatem restaurandam, vires amissas recuperandas,
sitimq; inexplibilem sedandam tribueret. at longè
magis proficui flores in triplici BREZEIO nascuntur
Campo:

nam floret amano

Interdum cultu Medicas & germinat herbas.

ex quibus afflicta Patria, iamq; extrema infirmitate
laborans, vt corpore quàm optimè valeat, vt rursus
pristinas resumat vires, recuperetq; saluberrimam
toties percipit medicinam, cuius dulcedine perfusa,
omni

omni tempore confortatur, omnia in illis antydota,
& myrothecia publicæ sanitatis inueniuntur, omnia
vnguenta, & opobalsama fragrant, adeò: vt nemo re-
periatur, qui hoc in passu genuinæ veritati Theo-
ninum audeat opponere dentem, vel inuidissimi Zo-
ili sectari partes, nisi fortè idiota, vel caligantium re-
pertus fuerit oculorum. Quis enim est de numero Pa-
triæ Ciuum? qui de his florigeris Campis, suis in an-
gustijs, atq; anxietatibus, suauissimam non capiat vo-
luptatem: quis? qui tot arduis in negotijs, vberimas
consiliorum non colligat fruges: quis demum? qui a-
mœnitate, gratiâ, & pulchritudine eorum non dele-
ctetur. Vniuersi ad eos, velut ad Delphicum Apolli-
nis concurrunt Oraculum, de quibus, magno perfusi
gaudio, læto abeunt animo, atq; serenâ secedunt
fronte. Ea sanè Gentilitiorum BREZEIÆ Domûs Cam-
porum vnica & præcipua felicitas, quod & asperri-
mis brumæ frigoribus, & sæuiente glaciali hyeme fru-
ctus sapidissimos, floresq; iucundissimos proferant:
adeòq; segetum feraces, atq; odoriferis herbis vire-
scentes sint, vt nullis frugiferis, suâ nativâ fertilitate
cedant Campis. Quam beatam messem, vbere penu-
totas fundentem opes, non illis flaua inuidet Ceres,
nec ipsa venustos Alcinoi denegat Flora flores; qui-
nimò adhuc inclyta Nais hûc vndarum profert scate-
bras, & vitreas, nobilissima hæc immortalitatis ger-
mina circumfluentes lymphas, Tago Hebroq; omni
pretiosiores, vt perenni semper vernent decore. Ast
non hîc meta terminusq; est præstantissimorum flo-
rentissimi BREZEII Campi naturæ donorum, quibus
omnes Orbis Lechici partes repletæ sunt. Tendit ad-
huc ad ipsa æthera suis decoribus, atq; congenitâ am-
plitudine, adeò: vt augustam ipsius immortalitatis
maiestatem, pro suo sublimi genio angustiarum exo-
sam,

sam, suâ hâc capacitate commodissimè circumscribe-
re comprehendereq; valeat. Non eget ad æternita-
tis brauium alijs decursibus, quia per ampla sua O-
lympia potest decurrere, & giganteos contendantium
illuc meritorum passus, latius defigere. felix Gentili-
tij gloria decoris, in amplam campi patentis latitu-
dinem gloriose diducti, in quo ipsa immortalitas si-
bi defigit stationem. Merito ergo testudine vatuum
meretur.

Immortale deus pretium, nomenq; perenne.

Nunquam iam pallidam timebit mortem, quæ omnia
videns, oculatior lynce, Argoq; centoculo perspica-
cior est, imò altis meritorum germinans culminibus,
æquè faciliori ac feliciori præ cæteris cursu, ad æter-
næ gloriæ capitolium tendet. Sed quis ampliori cu-
riositate audebit adire ac peruagari Vastissimam, quâ
triplicem, Natiui Illustrissimæ BREZEIÆ Domûs De-
coris, amplitudinem. Satis inter festiuos applausus,
& publica gratulantium vota, sit elogij Tui Trabe-
ati Honoris hodie ferax Campe. Nam si Tuarû col-
ligere velim Iliadè panegyrum, angustiarum con-
sciûs calamus prius deficeret, quam quidquam con-
dignè de Tuis magnis attingeret laudibus. Assur-
gunt hîc Tuo competenti elogio, tot meritorum
decorumq; manipuli: assurgunt Tux immortalis glo-
riæ, tot Tui lectissimi flores, Illustrissimo BREZARVM
sanguine purpurati; illi non minùs bellicosissimi,
quàm gloriosissimi Ernesti, quorum vita erat in vit-
ta pro victorijs, palmis, & triumphis; Ciuicis orna-
ta tempora habuere coronis, dum, non frustra Le-
chicis in oris zelantes purpuratum meruerunt ho-
norem, sed sanguine pro Deo, Republica, & Pa-
tria toties fuso. His licet crudelissima vitæ præ-
datrix, suam immiserit falcem, haud tamen quid-
quam

quam collegit; nam qui immortalitatē viuendo meruerunt, etiam post vitam mori nesciunt. Viuunt in suis posteris, non min⁹ gloriā, quā meritis paribus. Et hæc est vnica felicitas, post sera fata, generosam mentem in suis carissimis spectare pignoribus, non degenerem à suis præcelsis, & eximijs virtutibus. Sed quis posset vastissimum, Illustrissimæ BREZEIÆ Dom⁹, in recensendis tot magnanimis Heroibus peruagari campum? quis eorum nomina, & militares in bello sudores, in cinere mortalitatis colligere? ipsa sibi seruauit æternitas, deuota Marti Bellonæq; tot augusta BREZARVM Nomina, ipsaq; est pugnantium in bello testis, triumphantium corona. Mihi interdum suffecerit, pauca ex hac illustri Prosapia, laudum cumulo, in specimen protulisse, vt appareat manifeste, non certius olim antiquos Spartiatas, ex natua sibi, congenitaq; lancea, quā fortissimos BREZAS ex heròicis operibus nosci. Continuarunt hunc bellicæ virtutis ardorem digni heròicis Maioribus filij NICOLAI BREZEIJ, quorum contra vim Moschouiticam, & Otthomanicam præclara in bellis virtus, quid aliud fuit? nisi amoris in Patriam corona. Ab hac enim Gentilitijs BREZEIJS CAMPIS, perennis viror vigorq; cum æquē in Martio puluere fortitudo eorum, vt & in consilijs summa prudentia, nihil aliud, nisi amorem boni publici spiraret. Ferax profectò est Auitæ virtutis, splendorisq; Illustrissimus BREZARVM Campus; quidquid namq; pretiosi colligere licuit, id totum emicuit, resplenduit, in magnis huius Nobilissimæ Familiæ Heroibus. At his vberius enarrandis, maior debetur historiæ amplitudo. Referrunt Annales Germanici, à tot sæculis suis in oris Martia BREZARVM opera. deprædicant victricēs

de

de hostibus palmas. canunt augusti sanguinis glori-
am, tumq; excelsas curules & trabeas triplici eorū
in Campo resedisse. Fertur (teste Thucydide) ex
Oraculo Apollinis, in ligneis Domibus servatas fu-
isse quondam Athenas. Fatetur Germania, repe-
titq; memoriam acceptorum, ab Illustrissima BRE-
ZEIA Domo, tot in periculis beneficiorum; cuius in
manibus, nisi salutem suam deposuisset, in magno
discrimine suæ integritatis toties subsedisset. Ecquis
ergo Civicas Coronas, Illustrissimos BREZEIOS nega-
bit meruisse? qui tot Ciuibus, quos fata aut lora ho-
stium manebant, servatis, easdem publicā voce ca-
pesserunt. Vive felix Illustrissime BREZARVM sanguis
olim Theutonicæ, nunc Lechicæ sūma gloria Gentis.
Verum liceat adhuc in Gentilitios digredi Cāpos, &
metiri calamo excelsa Illustrissimæ BREZARVM Domūs
Decora & ornāmēta, quæ ad præsens (omissis alijs An-
tecessorib9) in Te vno lectissimo virtutū fragrantia,
odorifero flore, optimo & foecundo beatā felicitate
manipulo, Illustrissime Dñe ALBERTE CONSTANTINE
BREZA, Palatine, Calisiensis, contemplamur. Omnia
quæ plantavit Heròica Virtus Tua, quidue immortali-
tas colligere potest, perenni recordationi æternū
Tu reddis. Expresserat satis affabre Princeps Fabro-
rū in scuto Achillis totius mundi partes, Vrbes pro-
pugnacula, cælos deniq; ipsos, & motus astrorum:
at speciosius longè, excelsa & sublimia virtutū De-
cora, compendio data in Te vno repræsentantur, be-
ato Campi Tui manipulo. Iactant alij se vt excelsas
arbores esse, ad quos sola trophæorū, non simul vir-
tutis Maiorum, transisse, videtur hæreditas: excelsū
sanguinem, fortiuntur, abiectam indolem; probant
maiores suos sapientes, industrios, fortes, ipsi autem
inscij, ignavi, imperitiq;. Tibi verò Illustrissime
Domis

Domine incorrupti vigor sanguinis æquabili meatu
Venas per omnes fluxit, verèq; non minùs ad Te
Maiorum claritas, quàm magnificus virtutù omni-
um descendit apparatus. Nil profunt stēmata, nil
prodest longo sanguine censerì, si nulla virtus ma-
neat in pectore; at Tu illustrem generis Tui ortum
virtutum nobilitati ita coniungis, ac coniunxisti,
ut hæ duæ columnæ, cum virtute nobilitas, cum
nobilitate virtus, fixæ in Tuis Gentilitijs Campis
æternùm sint perennaturæ. Vniuersa hæc gemino
rectè factorum lineamento transfusa in Te, quæ-
cunq; in gloriosissimis Aus Atauisq;, nec non Illu-
strissimis Parentibus resplenduerunt. Et cum hu-
manis corporibus mensuram ac imaginem prima
describat ætas, Tu Illustrissime Dñe, statim in pri-
mo flore ætatis, iam vivum pietatis, candoris, mode-
stix, & innocentix fuisti simulacrum, ipsi candidissi-
mo ebori simillimum, utq; nobilissimā Natalitij sple-
doris sementem ad perfectam maturitatem proue-
xisses singularius in eius testimonium laborasti, egre-
giam indolem, honestissimis literis, omniq; virtutù
varietate, ad magnæ fortunæ cultum imbuendo.
Mox integerrimo pectori, prima sapientia DEVS
simulac inhæsit, humana quoq; ingenio docili, ere-
ctoq; facile accessit confestim cultissimum animum,
quem iam omnes insederant Gratix. Musæ quoq;
non grauatim subintrauere. Ita sanè flos iuuenum
lectissimus, virtutis pariter ac doctrinæ insigni pro-
fectu succrescens, curas omnes Præceptorum sudo-
resq;, illo animo, ad summa omnia nato, abstersisti.
Sic non leuem eruditionis prouentum magnâ mente
sectatus, post hac peregrinum solem lustrare placu-
it, animo ad peregrinos mores inconcusso; reliqui-
sti fines Patriæ, virtutem tamen non reliquisti, ad

exotici sermonis elegantiam, oris non animi idioma flectendo. Peragraſti magnis ſudoribus longinqua regna, vbiq; ſcitiffimos doctrinæ flores ac germina decerpendo, Tuiſq; Gentilitijs Campis, non ſine ingenti cura inferendo. Iuiſti per cunctas eruditionis partes, & quidquid apud Oratores graue, in hystoricis fidele reperitur, ſedulò adhibito conatu obſeruasti, ipſiſq; Philoſophicis ac Theologicis ſtudijs ac continuis exercitationibus ſerio invigilaſti, ita: vt quiſq; cernere poſſet, à Tuo diſputantis vel perorantis vultu pendere Romam, profundius demiratam, in vnius indolem, tot naturæ gratiarum dona, tot ſolertis in genij facundiaq; lumina congeri potuiſſe. Poſt literarum linguarumq; cognitione optimè inſtructus, prudentiâ inſtructiſſimus, ex alieno Orbe ad proprium rediſti, oſtendiſtiq; regimen ſui, etiam iuuenibus ad manum eſſe, ſub hac ſparthani in ſeipſum rigoris diſciplina. Auxit tandem deſiderium ea, quæ præuenerat æſtimatio, vota; ipſa non tantum deſtinari, ſed impleri exoptarunt, vt non ſoli Tibi Muſiſq; in aliquo priuato ſecluſu viveres, vacareſq;, ſed quod magnanimis mentibus proprium eſt, Regalibus obſequijs, totq; aſperis illis, & rigidis, ſed bono publico vtiliſſimis negotijs, Tuum generoſum addiceres animum, conſecrareſue. Factum eſt, quòd intimis exoptabatur votis, vix virtutem Tuam in Aulam Sereniſſimi ac Inuiſtiſſimi IOANNIS CASIMIRI tum temporis Poloniæ Regis intuliſti, cognouerunt ſtatim Sacra Maieſtatis Senatùſq; Oracula, illam magnarum dotum indolem, ſolis excelsis operibus aptam, ſummis Reipublicæ negotijs inpoſterum fore proficuum: quâ Tu eò ſerius, ad cōmunem omnium plauſum, ſolido labore, patientiâ, arduorum voluntariâ ſuſce-

ptione, comitate collectaq; alia splendida virtutū
congeriē ita exaggerasti, vt maturo multorū præstanti-
um ingenio iudicioq; virorum gratias laudemq; me-
rereris. Quanta Tua ad latus Principis constantia,
quanta moderatio, quanta vigilantia, nil fuit quod
læderet oculos, nil quod offenderet aures, omnia
pulchra & integra. Quid dicet, illa Tua illibata, in
maximis Regum Serenissimorum negotijs fides? quæ
nec linguæ nec calamo comittitur, sed soli animo;
omnia incomparabili dexteritate Tua, ita gloriose
semper perfecisti, vt nec Plinij ore, nec calamo
satis laudandus sis, tantò propior altioribus, quantò
pulchrius per gesta præclara, & egregia merita cō-
mendatus, iueris ad honores. Grandē profectò hoc
Gentilitiorum Auitæ virtutis Camporum semen est,
quod dum primos in Republica producit flores, sta-
tim felices & jam grandes perspicax mortalium de-
prehendit pupilla. Non solis tantum in aulis Prin-
cipum versari, ast etiam in Bellonæ castris, posthac
in publicis Palatinatum conuentibus, in eminenti-
bus Tribunalium subsellijs, in generalibus Reipu-
blicæ comitijs, atq; diuersis totius Regni munijs Tu-
am amplissimam excellētis animi magnitudinem
probare contendisti, illud per obstantes cuneos se-
cutus, quod magnæ spei mentibus, & solis generosis
pectoribus innatum est. Prodromam virtutum pru-
dentiam, omni in loco semper exactissimam, &
quia Campo, pro Stēmate insignem, ideò consilio-
rum feracissimam, in obeundis Reipublicæ nego-
tijs amplectendo, tum comitate, modestiā, mansue-
tudine, affabilitate, ac propenso in omnes studio,
amorem, cunctorum Patriæ Ciuium sibi concilian-
do. Feliciorem Te hac in parte ipso Traiano verè
dixero, quem hisce virtutibus longè superasti.

His passibus per ardua tendentē ad maiora, omnes stupore prosequabantur, multorumq; voces fuere, Te Tuosq; lacertos ferendis Reipublicæ oneribus pares futuros. Neq; eorum omina vanæ spei increpuere vento, nam mox persecutus honor summū inuenit virum, quando vnanimi omnium applausu, votisq; toties ad sacra Diuæ Themidis Oracula Index deputatus, toties ad generalia Rēgni comitia Nuntius terrestris proclamatus ac electus fuisti. Perfecisti mirabili prudentiā Tuā, hæc omnia Reipublicæ munera, egisti vniuersas cum magna Tui atati-
natūs gloria functiones. Vidit Te Cuius Curium, & eloquio facundum Demosthenem. Suspexit gra-
uissimum Senatus concilium in solerter conijciendis publicis incōmodis commodisq; centoculum Argū. Admirata sunt tribunalitia vindicem æquitatis sul-
piciū. celebravit religio, ob purū illibatūq; Superis honorem redditum, integerrimū sacrorum Præ-
sidem scæuolā coluerunt cruenti Martis Bellonæq; certamina, ac ipsa militaria castra, flammæ velocitate ruentem in certamina Decium. Stupuerunt de-
mū remotæ Orbis partes indifficillimis legationum nodis expediendis, acutum Popiliū quando post longa in Reipublicæ negotijs experimenta, post retentā in conuentibus publicis, summā autoritatē & par-
tam ex virtutis meritis Principum gratiā, magnus Patriæ Cuius, illud legationis munus, quod totius Sue-
ciæ plausum meruit, dignus Suecorum Principe Ora-
tor existiisti. Locuta est maiestas Polona in Te prorsus ad Roscij numeros, & ita locuta, causā boni publi-
ci agens, vt palā augustissimo illius Principis consta-
ret folio, vigorē mentium Polonarum, atq; fortitudi-
nem, nullis vrgentibus fatis cedere; quinimo contra audentius ire, ac eniti. Verē ingentis animi dicaris

Illustrissime Dñe, qui honorē Patriæ, hoc Tuo Ora-
culo gloriosiore reddidisti. Adscribunt sua sæcu-
la magna Theodosio elogia, quod inter magnifi-
cos mensæ apparatus, innocenti vulnere tela, non
ex mortis, sed amoris pharetra prompta, nec in vul-
cani officina, rigenti ferro excussa; sed in opulen-
to Ditis gazophylacio, solido auro fabrefacta, in
conuiuas jecisset Senatores. An non ad Tuam
laudem & excelsa encomia illustrius est, quod non
ferreis vsus sis telis, imò plusquam aureis, quibus
non animos hominum, sed illum sæuum Septemtri-
onis Leonē expugnasti, dum benigno alloquio, co-
mitate, blandis illicijs, officijsq; Tuis, cum irretijsti,
amore tenuisti. Cedit ipse Romanæ facundiæ Parens,
huic Tuæ prudentiæ, & in referendis Reipublicæ
negotijs incomparabili dexteritati. Ita præcellen-
tibus triplex BREZEIVS Campus efflorescens dotibus,
tanta apud omnes, & maximè suos Principes, cre-
uit sui æstimatione, vt non alios libentius, quàm ipsi-
us salutaris, in arduis rebus, periculosisq; Reipu-
blicæ tempore, sæpius odorari exoptauerint flores.
Quod vt fieret cōmodius, cessit benignissimā Dei ex ^{Au}
alto destinatione, Serenissimi verò IOANNIS III. Re-
gis Inuictissimi, singulari gratiā, & augusto iudicio,
vt non ex alio, quàm BREZEO Campo, miræ pulchri-
tudinis & elegantie flos, laureatusq; sapientie mani-
pulus, in horreum magni, quia Senatorij Honoris,
eximie probitatis manibus inferretur. Hic exulta
Polonia, quando virtutes Honori, pulchro ligari
fædere contemplaris, felix enim talis est, vnius ad al-
terum relatio. Suscipis munus Castellaniatûs Posna-
niensis Illustrissime Dñe, breui auream messem, fru-
ctumq; Cerere beatiorem, vniuersa vitiorum zizania
procul eicientem, Lechico Orbī daturus. accedis ad
arcana & difficillima quæuis Reipublicæ negotia, illis
Tuā per tot literarum Athenas, & Athenæa conqui-

glu
fita, jamq; ad multiplicis experientiae Lydium probatissimam sapientiam, perbellè responsurus. Gloriabatur olim totius Orbis caput Roma, suis boni publici ardentissimis zelatoribus, Appijs, Fabijs, Tullijs; at longè magis lætari gloriariq; Polonia, Te vno potuit, potestq;, quem eximium, magni consilij Senatorem, rectissimum boni publici consultorem, adorat & veneratur. Tu enim multis circumventæ periculis cõmuni saluti efficacius Podalyrio & Machaone, medebaris. Tu conuentus illos nobilitant, in quibus sancitorum in commune, magna vis agitur, animo præclaro, iudicio sublimi, & eloquio dulcissimo recreabas, exortas inter tumentes, conciliant animos, dissensiones, beatissimo concordie nexu piebas. Quid illud pelagus Comitiorum Regni, quibus turbibus, quantâ agitatione, quantis admo-
sibus moueri solitum, Tuâ animi moderatione, prudentiâ, atq; leni temperamento, fuerit compositum, quamq; auspiciatissimè ex voto ipsius cesserit Patriæ. Fuere namq; talia tempora, quæ res difficillimas spirabant, fuere negotia, quorum tractationes ambigua, varios è diuerso sensus exercuerunt, cum Majestatis & libertatis Polonæ verteretur cardo. Fuere, ingentes motus, quos sæuus Oriens concitabat, Regni viscerum integritas, salusq; Patriæ anxia, tota, demum Polonia mæsta, intus forisq; in mille incurres cuspides. In illo lubrico an Eurippo tenere modum non deficere, prouidere, ac curare meliora, pretium, perbellè consulentium facere, secus opinantium sensus reprobare, Ciues diuisos conciliare, quanta animi magnitudo! quantum felicitatis Oraculum! has inter salebras, actum per Te summam prudentiam, dexteritate, vt contra fulmen & horribilem procellam ab Oriente, domi saltem malatia foret. Verè es Constantinus, quia summam armatus constantiam, prouidus consilij, verax sententiam, bono publico amicus, atq;

pro iuribus Patrijs, etiam ad aras intrepidus; omnia
probatissima in Te reperiuntur, comi, faciliq; animo
temperata. & leuamini Patriæ maximo nata. Me-
retur proinde magnifica virtus Tua, non in obelisco
aut pyramide onerosam lapidum struem, sed sum-
morū in Republica Honorum augē. Neq; inter hæc
mihi tacere licet illud præstitum Patriæ obsequium,
in arduo legationis munere, ad Illustrissimum &
Excellentissimum Principem Brandenburgicum obe-
undo, illo tempore, quo sæua ab Oriente surgens
tempestas, Lechiæ & Germaniæ terras, suis fluctibus
obrueret. Tunc Vrbes Borussas, vi admirandā, &
nouis in Orbe nostro machinis, arietatas, magnā no-
minis Tui gloriā, transijsti, sedem illius Principis,
boni publici causā missus legatus adijsti, omnia ad
vnguem egisti, perfecisti. Redeunti Tibi publica oc-
currit lætitia, & ex gratia Sacræ Regiæ Majestatis,
gratitudinis locò Inueroctauensis cedit Capitaneus.
Ergo nē jam, tot exantiaris laboribus, tot exa-
ctis functionibus, toq; ditibus patrimonijs gazis, in
cōmune Patriæ bonum, profusis, augustum Teum
pectus exoptatā tranquillitate vacabit? Ergo ne se-
motam à curis vitam agere desiderabit? minime.
Nescit virtus Tua, quā Orbi in exemplum dedi-
sti deficere, nescit inter continuos motus respirare,
quinimo semper agitari, vt magis omnibus prosit, co-
natur. Tu priuata Ciuium negotia componere, li-
tes dirimere, dissensiones sedare, lenissimo concor-
diæ vento, solus vel vnicus nosti. Tu litigiosas illas
controuersias, contentiones, disceptationes, vel de
bonorū hæreditate, vel de limitum, protractio-
ne, aut qualicunq; alia iniuria, inter Vniuersam
Maioris Poloniæ Nobilitatē mitigare, & Senatoriā
authoritate. Tuā mederari consueuisti. Quid di-
cent illæ publicæ Cōmissiones, tam militares quā
monetariæ, quas Tu toties, non sine graui salutis,

& bo-


& bonorum dispendio, magnis sumptibus, propter
commune bonum, proprium exhaustiendo pecu-
lium, gloriosissimus Senator absoluiti. Memorerit
posteritas horum Tuorum effusorum pro Patria su-
dorum, inscribet marmoribus dulce nomen Tuum,
semperq; in eius recordatione, triplex BREZEIVS ver-
nabit Cāpus. Vidit hæc videtq; Tua eximia opera,
maior Epaminonda Princeps, Serenissimus & Inuictis-
simus JOANNES III. amor Ciuium, terror hostium, &
fulmen totius Orientis, cognouit seruata à Te
Principi suo, & Reipublicæ constantem animi Tui
fidem, cognouit suscepta circa Patriā, eiusq; Ciues,
tot curarum onera, dictis factisq; Tuis, affecto serio
cogitauit, quo tandem fidem illibatam, & integri-
tatem animi Tui eximiam compensasset. En mox,
quod erat in propositis factorum ordinatione stetit,
quando hiece Serenissimus & Inuictissimus Rex JO-
ANNES Trabeato Honore Palatinatus Calissiensis,
Te nunc felicissime insigniuit, Tuaq; merita coro-
nauit. Quanta hinc gloriæ Tux accessio! quantum
æstimationis pondus! dum Illustrissimis hac in digni-
tate Nominibus Dzialynij, sago Togaq; clarissimi Le-
sczynij, succedens; tanti Principis iudicio Palati-
nus Calissiensis merueris renuntiari. Opeas vere
aureum, quod ipsi gloriosissimis Principibus, in-
delicijs es, quodq; angustas mentes, enixa Tui cura
solicitaris. Igitur hanc excelsam, quam Tua Tibi in
Campo Tuo plantauit virtus dignitatem, dum felix
fortunatusq; hodie colligis Illustrissime Dñe, & ful-
gur illud Trabeati Honoris, quod Fortunā perstrin-
git, inuidiā absorbet, cum ad præsens in Regia Calif-
sienfi Vrbe, solito ad ingressum more explicas, omni-
um affectibus & præcordijs, amore publico inuisce-
ratus, ipse venerabundum appares. Raptas gaudiorū
excessu mentes, dum te ex æquo, magni huius nomi-
nis pondus, sustentaturum intelligunt. Conscendis

verticem, non in quo virtutem fessam reponas, sed vt
magis de bono publico mediteris. Geminas fulgoris
Tui incrementū, dum ex culmine primo Senatoriæ
excellentiæ, ad culmen felix, quia secundum, per exul-
rantium voces, plausus, panegyres secundis procedis
auspicijs. Patebit Orbi universo ex hac Honoris Tui
eminentia, meritorum Tuorū celsitudo, quā quia
impar calamus condignè non potuit attingere, prom-
pto saltem veneratur obsequio. Nemo est qui Tibi hūc
sublimē ascensum inuideat, imò magna omnes exinde
læticia tenet. Iuisti ad præmia, absq; cōtentione, acce-
pisti, quamuis manus non exporrigeres. Ita certè hic *my*
novus Honor Tuus, quē auspiciāris, non reuerentiæ tan-
tum erit, sed amorī, non solum gloriæ omnium, sed
etiam vtilitati multorum seruiet. His Te insignibus
ornatum adorat Patria, speratq; se non leue solatium
modernis in angustijs, atq; calamitatibus, ex Tuis con-
silijs habiturā, omnes hostiles conatus despecturā, nec
non fortunæ tantum vices, sed & temporis omnia ar-
rodentis senectam contempturā. Inaugurat Ecclesia
ardentissimum Te Honoris sui zelotem, omni in loco
reperiturum. Poscunt effusæ in vota oræ Calissientes
Te amoris publici, & Districtūs sui dulce corculum fu- *ius*
rurum, Tuisq; grātijs foueri, protegi, vnicè desiderant.
Flectunt Tibi victori animorū corda, in arcus trium-
phales, quibus magis quā rectis passu fortunato suc-
cede. Ingredere Campum meritis Tuis pridem com-
petentē, in quo magnarum argumenta virtutum dabis,
faciesq; quod magnam lucē, angustijs inclusam decet,
vt amplissima Tua dignitas, tantò hic illustrius sese
euibret in splendorem, quantò angustioribus adstrin-
gitur terminis, quibus se impendat. Repleri Tuo sua-
uissimo odore Vniuersus præoptat populus, ideoq;
pronus Tibi solenni pōpā ingredienti prostrernitur.
Quare triūpha in animis omniū fortunatissime incola, *us*
perge tam virtutibus quā Honoribus eminentissimè Se-

nator, repellant à Tuis sæculis nubila, amica trinis
Gentilitijs Campis aurea sidera, dentq; Tibi serenos
fine nube dies, omnes horæ & momenta proferât Tibi
dulces ætatis longissimæ fructus, ut Patriæ Tux Ne-
store diutior Vivas. Hæc non inspersa blandis adula-
(*) tionum cerussis Tibi exoptat penna, sed sincerus fide-
lis Tui Clientis animus, liber condimenti & ab assen-
tâdo alienus. Superfint utinam diutissimè, & dilectissimè
Fratres Tui, in quibus instaurata cernimus felici æmu-
latione virtutis Antecessorum Decora. Floret in Illu-
strissimo ADAMO Castellano Santocensi Germano
Tuo incorrupta in Patriam fides, & ardentissimum
boni publici studium, quod toties anterioribus annis
manifestis se prodijt explicuitq; argumētis, dùm Mar-
tios inter pulveres longo tempore versaretur, & victri-
ces de hostibus laurus suis Gentilitijs infereret Cam-
pis. Fulget fortitudo, religio, cultus civilis, elegántia,
dexteritas, in magnanimis VLADISLAO, ALBERTO, NI-
COLAO, IOANNE, Tuis Fratribus Patruelibus, qui ad arma
nati, armis pro religione, Patria, & libertate decerta-
re, sunt semper parati. Hæc vberriam fruges triplicis
Vestri Campi, fructusq; sunt, quos ex hæreditario fun-
do, in horreum Reipublicæ conuehitis. Augeatis Ve-
stris in Patriam meritis spem Illustrissimæ Domûs, ad-
dite maiorem Gentilitijs culturam Campis, copiosa
præfagâ fertilitatis, quorum Telus immunis sterilita-
tis, nobilissima omnibus propè sæculis germina, in-
emolumentum suæ Patriæ, fœcundo producit
partu, atq; Honorum Trabeatorum est
semper, eritq; feracissima.



Biblioteka Jagiellońska



stdr0007708

